

民國文獻資料叢編

近代學報
彙刊

殷夢霞 李強 選編

國家圖書館出版社



殷夢霞、李強 選編

近代學報彙刊

第十九冊

國家圖書館出版社

第十九冊目錄

中西醫學報	第十五期	宣統三年六月		一
中西醫學報	第十六期	宣統三年七月		八一
中西醫學報	第十七期	宣統三年八月		一六一
中西醫學報	第十八期	宣統三年九月		二三九
中西醫學報	第十九期	宣統三年十月		三一五
中西醫學報	第二十期	一九一二年一月		三八五
中西醫學報	第二十一期	一九一二年二月		四五三
中西醫學報	第二十二期	一九一二年三月		五〇五

(期 五 十 第)

宣統三年六月中西醫學研究會出版
中華民國元年七月再版

中西醫學報

總發行所上海
新馬路昌壽里五十八號
無錫丁廬

目錄 六月份

●畫圖

日本醫學士吉益東洞肖像

●論說

敬告漢醫學家

論中國醫學不能革新之原因

遼東醫學論文叢稿序

●學說

說汗

說深呼吸為衛生之要領

食物養生法

菜蔬療病之力

長壽訣

免咳良方

肺結核療法序言

肺結核療法

●社友來稿彙錄

醫學士吉益東洞君小傳

王謙酣君傳

請議開辦醫學別科學校案去年已登醫報惟未將辦法附錄茲補錄

張穆孫
張織孫
陳葆懷

畢寅各
韓溥
社亞泉

甘永龍

丁福保
許德暉
許德暉

魚洲
許承堯

屠友梅

長鎗說
急性關節癱瘓質斯之療法實驗談
朱鴻壽

種痘規則
救急方法彙錄
李錫康
時際虞

●專件
萬國鼠疫研究會始末記

●醫事新聞

廣東審判廳仍用腐敗件作耶
●立醫院出現
●四會疫癘橫行
●粵督飭設調查防疫會
●中央醫院之組織就緒
●新藥發明
●肇慶之防疫
●病院之盛況
●浦東醫學會義診開幕

●叢錄
中西醫學研究會會員題名錄

●價目

本報全年十二冊本埠八角四分外埠九角六分

敬告漢醫學家

張稷孫

吾國醫學始自黃帝。歷嬗宋明。聖學相承。由來尙矣。自海禁既開。西醫輩出。一則以陰陽氣化爲根據。一則以萬有學爲基礎。彼此學術截然不同。雖起醫聖於千百年以上。而欲牽強符合之。吾恐亦將窮其術也。雖然。某之言謂宗教的醫學與科學的醫學。截然兩途。非謂中西學術無相同之點也。吾同志當不誤會吾言。

顧中西學術既不相侔。而有志之士猶以中西會通之說。日號於衆者。何也。曰。吾國醫學程度幼稚。不必爲吾國諱。獨此存國粹之心。團結甚堅。苟一旦盡異其說。則羣起反對。鳴鼓而攻。西醫學說居今日之世。未有不失敗者。故與其急進憤事。不如引之以漸。此吾海內有志之士之深意也。夫吾國衛生之法。素未講求。疾戾相侵。人所恒有。居今日學術昌明之時代。猶復安於舊習。不事改良。是猶捨坦途而趨荆棘。某甚爲吾同志不取也。吾同志盍省諸。

改良維何。曰。破中西門戶之見。去穿鑿附會之談。國粹歐化。分道而馳。不必並行不悖。始云改良也。內難兩經傷寒金匱爲吾國醫聖之典籍。不妨安之理化博物解剖生理。

爲西國醫學之基礎。不妨習之。讀內難等書。間有骨骼數目。藏府部位。與西學不同者。存之。蓋五行生剋。妙緒環生。欲訂正之。非重砌爐灶。不能也。讀理化等書。間有化分化合之理。未明者。聽之。蓋冥行暗索。甚難了解。欲明白之。非實行試驗。不可也。兩者並行。各不相謀。斯真吾之所謂改良矣。

治病亦然。某病以漢藥治之。確有經驗。可能奏效者。不妨以漢藥治之。不必雜以西藥。某病以漢法治之。無効。則以西法治之。不必參以漢法。蓋吾國藥物元素。未明。恐兩藥同時起化合作用。藏府反受其病也。西學治法。與吾國不同。若兩者同時兼用。用藥反無把握也。某之所謂中西學術分道而馳者。以此。

其次請與吾同志商確習西醫之階級。西國習醫。非在中學畢業。已具普通學識者。無入學試驗之資格。所謂普通學識者。理化博物生理算術等是也。不諳算術。不足以語理化。不諳理化。不足以語博物生理。習生理矣。無解剖學以立其基。無衛生學以盾其後。則無以致其用。故中學生理。包括解剖衛生而兼有之者也。然此皆極淺近之學理。非真正醫學上之解剖生理衛生也。若欲研究高尙之學理。非入專門醫學堂不可矣。至若醫學上各科之關係。莫不息息相通。若悉言之。則言者廢紙。閱者費腦。爲吾同志

計。莫如切於實用而易學者言之。解剖生理。爲習醫者必歷之階級。近今坊間譯本。以人體解剖學爲最。然卷帙浩繁。研讀需時。不如先以新內經生理學粹等習之。次之藥物學。然欲習藥物。必先明博物化學。博物尙可緩。而化學於醫學各科有極大之關係。故必須讀之。坊間譯本。以實驗化學教科書爲佳。藥物學以普通藥物學教科書爲最易解。若再以藥物學綱要參照之。則更美備矣。次之病理診斷。病理學以丁氏病理學講義爲最。陳氏病理通論次之。然皆學理深奧。卷帙太多。作爲參攷用可也。診斷學大成亦如之。不如讀初等診斷學教科書。較爲適用。餘若物理、算術、組織皆可緩之。此基礎醫學之大凡也。基礎既立。於是進以內外科、婦人科、小兒科、皮膚及花柳病科、衛生學等。內科學以內科全書、內科學綱要爲最適用。外科學皮膚病學。現無善本。姑以德、國醫學叢書中之皮安兩氏外科學、加氏皮膚病學習之。然病原病狀。言之不詳。蓋處方書之體例如此也。故習此兩科者。宜參以醫家寶典。總之外症。果能防腐消毒。兩得其宜。雖勿藥亦能獲愈也。婦人科現無譯本。小兒科則有新纂兒科學。花柳病則有花柳病療法。衛生學則有衛生學講義。處方學則有西藥實驗談。此數書皆爲吾同志必讀之本。不可不購備者也。餘如細菌學、產科、眼科、耳鼻喉喉齒科。聽之可矣。然看護學

不可不讀。爲醫生而不知看護法。未嘗有也。法醫學在外邦固爲醫生必讀之書。吾國行政設備尙未完全。忤吏萬能。決不勞吾儕之醫生。亦可不讀。此吾同志習西醫之大凡也。

雖然以上所言。吾同志得毋疑吾蔑視吾同志之程度乎。不知學術貴乎適用。苟能依此研究。雖不能爲完全之醫生。然出以問世。綽有餘妍矣。且專門醫學。非進學堂不可。試舉其例。譬如解剖學。無人體模型能了解乎。不能也。生理學。無理化試驗能了解乎。不能也。微生物學。組織學。無顯微鏡的檢察。實驗的標本。能了解乎。不能也。餘可類推矣。吾同志盍味吾言。聯袂而起。從事實行乎。則某將五體投地。焚香以迎矣。

論中國醫學不能革新之原因

四明張織孫

泰東西之立國。莫不以醫學爲基礎。醫學者學問之最廣大而最切要者也。國家之強弱。繫之人民之文野。亦繫之。今日歐美日本國家之所以日趨富強。人民之所以日進文明者。醫學之功居其半焉。雖然西醫學之輸入吾國。既二百數十年矣。國政之改革。亦既十餘年矣。新學諸子。鼓吹不可爲不力。新學譯籍出版不可爲不多。而衛生事業。

之不講如故也。人民思想之不進如故也。傳染病之流行且加甚焉。推原其故。雖由於行政諸公措置之失。當然吾醫界之泄沓相安。不謀學術之革新。亦其一也。推其所以不謀學術之革新之原因。事甚複雜。約而言之。有三端焉。

一曰惑於古書之病。草昧之世。人民渾噩。飢則食。渴則飲。日出而作。日入而息。餘非所知也。苟有人焉。起而獨出心裁。創立特異之學說。以爲人羣之鵠。後之人孰不敬之。然此不過草昧時代之知識思想。云爾。不足爲吾人今日之正鵠。可斷言也。夫吾國人之大病。在於知因襲而不知創作。試觀吾國醫書。汗牛充棟。其言論其學說。無有出五行生剋陰陽氣化之範圍者。此皆述而不作。四字誤之也。夫古人自古人。我自我。其言論其學說。果足爲吾人之正鵠也。則歌之。舞之。淳厲之。磨琢之。發輝而光大之。此吾儕之責也。不爾。則汰之。刪之。攷覈之。訂正之。別裁而創作之。此亦吾儕之責也。顧吾人計不出此。而孜孜焉兀兀焉。窮年累月。日守陳編。而不悟於古人之言論。非惟辨難之辭。不敢形諸口。抑且懷疑之念。不敢萌諸心。以致聖益聖。愚益愚。釀成今日醫學黑闇之現象。嗚呼。豈不恫哉。夫古人自古人。我自我。取捨抉擇。權自我操。豈有形戮在其後耶。然吾同志莫敢出此。將奈之何。

二曰惑於世俗之病。知有己而不知有人。此吾國人之特性也。當西醫之初入吾國也。國之人咸相戒曰。夷狄之法。不宜中華。父以是戒其子。兄以是戒其弟。轉展相戒。以致西醫學說。不能灌輸於吾人之腦。而致今日吾國醫界沈沈。無革新之現象者。吾先輩不能辭其咎也。古語云。在門牆則揮之。在夷狄則進之。言在門牆者。不必是在夷狄者。不必非也。西醫學說。其初入吾國之人。未嘗問津焉。烏知其爲不宜耶。此吾國人龐然自大之性。爲何如哉。自後造說日紛。不可究詰。曰。西國治法多野蠻也。曰。西國藥物多霸烈也。曰。服西藥再病不治也。曰。治西法易治易發也。甚或誤西國器械爲孩之骨質。誣西國藥物謂人之眼珠。此等野蠻無人理之議論。吾生雖晚。吾猶得親聞之。然猶曰。鄉愚無知。猶可言也。至若所謂士君子者。吾亦嘗聞其議論矣。曰。纏綿久疾。中醫所長。危急暴病。西醫所長也。曰。中醫尙理想。爲哲學的。西醫重實驗。爲科學的也。曰。中醫長於治內。西醫長於治外也。曰。中醫表裏兼施。寒熱互用。西醫頭疼治頭。腳疼治腳也。凡茲議論。倡於昔而盛於今。其一片愛國之熱忱。吾甚敬之。然惜其所言皆不適於今日也。蓋今日凡百之學理。然當以實理證之。纏綿久疾。莫如肺癆。吾國人以瘋癆鼓膈爲不治之症。然西醫治之間。亦有愈者。而昇往西醫受診之人。又皆爲中醫束手病。

已不治之症。則西醫之治病。不更較難乎。且人身藏府。具有却病之機能。恢復期至。雖勿藥亦能獲效。草根樹皮。輕淡浮泛。未必有增病之力。纏綿久疾。爲中醫所長之說。殆指此歟。然證諸實理。則不然矣。至理想之事。遽謂哲學。此又非是。西儒以科學的眼光。觀察事物。而窮其理。謂之哲學。非謂毫無憑藉之理想。而悉爲哲學也。洵如吾國人之言。則今日吾國之星相卜筮家言。皆可納入哲學之範圍矣。不亦重誣哲學之真理乎。夫理想爲事實之母。學者謂西醫無理想。豈西國學說皆不假以理想乎。是必不然矣。或謂西學無五行生剋之理想。則吾欲無言。內科無形迹可言。外科則肉眼能見之。此中醫長於治內。西醫長於治外之說。所由來也。然若傳染病。若神經病。若消化器病。若呼吸器病。非在內科學之範圍乎。而此次北地之鼠疫。未聞有一漢醫。則足其間也。一即有之。亦爲有權勢之人。濫廁其間。必無撲滅鼠疫之學術。吾可斷言。北京之瘋癲院。吉林之神經病院。亦未聞有一漢醫。則足其間也。至若消化器病。呼吸器病。往往有中醫不治之症。而至西醫院受診者。不旬日。不一月。而霍然奏功矣。西醫不治之症。而漢醫能霍然奏功者。未之聞也。頭疼治頭。脚疼治脚。爲最無價值之言。吾何待辯。然不辯則意又不安。故畧及之。今夫人有患頭疼者。治以脚可乎。否乎。人有患內藏病者。治

以皮膚可乎。否乎。此雖至愚者。亦必曰不可矣。且西國治法。皆確鑿可據。如胃弱者。雖治以補胃劑。而其藥之效用。則在使其血液滋長。俾胃之圓肌藉以鞏固。腦弱者。雖治以補腦劑。而其藥之效用。則在令其入血。濡腦。俾腦得藉以發育。此西醫用藥之大凡也。蓋吾人食物入口。其可以變化者。必吸收於血液。中人也者。無論何處。必賴血液以榮養之。榮養失調。人斯病矣。故不論其爲腦也。胃也。苟有病。則必借徑於血液以治之。雖藏府潰爛之病。間有用殺蟲藥者。然亦必賴新鮮血液。以交換之。白血球以抵抗之。則其病可治。否則一處潰爛。不旋踵而毒及全身矣。其爲害尙可問哉。此西醫治病之大凡也。凡稍涉生理書藥理書者。宜無不知之矣。中醫所謂下病上取。上病下取。中病旁取之說。有確證乎。吾不能無疑也。夫西醫學說。若是其精研也。西醫治法。若是其縝密也。國之人。以其爲夷狄之法也。不特不覃思之。研究之。而反詆毀之。排斥之不遺餘力。將奈之何。

三曰無客觀之病。凡百學問。必有客觀主觀兩界。客觀者。謂所研究之事物也。主觀者。謂研究事物者之心理也。二者兼則學問出焉。吾國學者。無客觀之思想。故立論多褊袒於一面。西醫學說。因其爲夷狄也。爲蠻邦也。故皆不屑措意。無他。無客觀思想有。

以致之也。近年以來，亦有人稍稍謀會通矣。謀改良矣。然其立論仍立於主觀之地位，毫無價值之可言。無他，主觀思想之中人深一時未易言客觀也。故欲謀醫學之改良，當以主客兩觀兼而言之。則其言論乃有價值。否則如瞽人之說夢，如村嫗之角口，噤語而已矣。謾罵而已矣。於學術上毫無價值之可言也。嗟乎！物競天擇，禍不旋踵。吾甚爲吾同志懼。吾甚爲吾同志惜。而吾同志則猶若醉若夢，冥然罔覺。又將奈之何？綜此三端，雖未盡吾國醫學不能革新之原因，要之畧具於茲矣。至若束縛名羈出沒利藪，心爲形役，情爲慾牽，沾沾然爲一身謀者，吾不屑言矣。夫區區小子，於漢醫戰籍未嘗涉其崖略。西醫學說，十未得其一二焉。爾顧何敢鼓唇弄舌，道吾先輩所不欲道而甘爲衆矢之的？雖然，吾欲鼓吹吾國醫學之革新，以謀學術之大同。吾不能自己。吾姑就吾見聞所及，拉雜書之。辨難出之以警吾同志。共圖斯學之進步。吾豈好異哉？吾不得已也。

遜虛醫學論文叢稿序

吾國醫學之源，其由來久矣。自黃帝著內經，嘗百草，發明醫理，迄今垂五千年。其間碩

學名家崛起者雖不乏人。然其相去或數千年。而一遇或曠絕數百年。而一遇如鳳毛麟角。不能數觀其故何耶。蓋吾國醫學重理想而不重實驗。其文又深奧難讀。後之人文理荒陋者。不得其門而入。文理精通者。又以此道爲技術之流視之。漠然專心研究。者蓋少。即使一二特達之士。有志斯道。而又域於古說。不能獨出心裁。判別其理之是非。僅求得解古人之言而已。嗚呼。學術如斯。人才如斯。而欲望醫學之進步。不亦難乎。自歐風遐扇。文化東漸。其學理之精經驗之奇。殊足令人驚駭。貽愕而不能自己者。以吾國舊學比之。不可以道里計矣。若是則吾國談醫者。宜如何舍己之短。求彼之長。急起直進。勇往無前。以謀學術之進步。使國人得共享其幸福也。胡今之談醫者。不惟不崇拜之提倡之。而反極力詆毀之。排斥之。詡詡然挾五行生剋之說。以自鳴。如射鮒吹沫。日環遊於盆沼石島中。莫辨其幾千萬里。而烏知橫海之鯨鼓鬣而游。即二溟未足當其一涉者乎。噫。所知如斯。所見如斯。而欲望吾國醫學之進步。誠難矣哉。葆懷歎吾國醫學之黑闇。因摒棄家務。不憚千百里之跋涉。游學江蘇。冀有所獲。以與吾國人共享其幸福。奈資性椎魯。僂蹇無功。竟無尺寸之益。以効當世。同學張君織孫。別字遜廬。四明績學士也。肄業於蘇州福音醫院有年。其人天資穎悟。於西醫學說。頗有心得。而

猶孜孜斯道。勉朝夕。無少倦容。凡閱各國醫書。以及醫報。遇有疑問。輒筆錄之。或加按語。或加論斷。每列一題。輒繁徵博。引洋洋灑灑。累數千言。而不休復。郵馳往還。質諸同志。以求其是。經營數年。哀然成帙。名曰遜廬醫學論文叢稿。嗚呼。勤矣。他日者。張君積其所學。出而問世。其裨益社會。爲何如耶。葆懷因佩張君之勤。更敬張君之志。用綴數言。藉誌景仰。烏足以序張君之文哉。宣統二年三月餘。姚陳葆懷曉卿序於蘇州福音醫院之自修室。

說汗

畢寅谷譯述

a 汗之性質 吾人皮膚表面有無數之腺。謂之汗腺。常分泌一種排泄液。即汗是也。汗中所含水分。九七·五乃至九九·五%。全身分泌液及組織液中之百分比。例實無有及其多者。而固形成分。則僅〇·五乃至一·五%。其中占二分之一或四分之三者。爲無機鹽類。而無機鹽類中之最多者爲食鹽。此外含有少量之磷酸鹽。汗之有機成分。最多者爲尿素。次則尿酸鹽類。克列亞敗令。芳香性阿幾喜酸類。耶的兒。硫酸。及其他含窒素產物。凡含於尿中者。汗中亦莫不有之。但其量較少耳。